

Kuala Lumpur: Bursa Malaysia Berhad (Bursa Malaysia) yakin melalui kerjasamanya dengan Jabatan Statistik Malaysia (DOSM) dapat membantu membangunkan landskap modal pasaran dan menarik penyertaan pelabur dalam pasaran tempatan.

Ketua Pegawai Eksekutif Bursa Malaysia, Datuk Muhammad Umar Swift berkata, pihaknya menandatangani perjanjian DOSM yang memberi akses kepada kedua-dua pihak berkongsi data makroekonomi.

Katanya, ini bagi mengenal pasti trend penting dan pemahaman untuk membangunkan modal pasaran.

"Menerusi kerjasama DOSM dan Bursa Malaysia ini kami akan berkongsi data demografik, statistik makroekonomi dan laporan.

"DOSM pula akan memperoleh akses kepada pangkalan data berhubung syarikat yang tersenarai di Bursa Malaysia, termasuk statistik perdagangan.

"Kami percaya kolaborasi ini akan menghasilkan sinergi yang ketara di antara

Jabatan Perangkaan Malaysia x Bursa Malaysia Berhad

Rabu, 4 Januari 2023



MUHAMAD Umar (dua dari kanan) bertukar dokumen dengan Mohd Uzir selepas menandatangani perjanjian.

Bursa Malaysia, DOSM bantu bangunkan modal pasaran

kedua-dua pihak untuk terus membangunkan landskap modal pasaran dan pada masa yang sama menyedaiakan inisiatif baru mempertingkatkan penyertaan pelabur.

"Perkongsian data dengan DOSM akan membolehkan kita menilai keadaan ekonomi, membuat keputusan yang lebih baik untuk mem-

pertingkatkan perkhidmatan dan menjadi lebih kompetitif," katanya di majlis menandatangani perjanjian kerjasama antara Bursa Malaysia dan DOSM, di sini semalam.

Hadir sama, Ketua Perangkawan Datuk Seri Dr Mohd Uzir Mahidin dan Pengerusi Bursa Malaysia, Tan Sri Abdul Wahid Omar.

Sementara itu, Mohd Uzir berkata Data Bursa Malaysia ini amat penting kerana ia digunakan sebagai input kepada penyusunan Penunjuk Ekonomi Malaysia melalui Indeks Pelopor yang memberikan unjuran arah pergerakan ekonomi dalam tempoh terdekat iaitu dalam purata empat hingga enam bulan ke hadapan.